

Visoki predstavnik pozdravlja nastavak finansiranja Grada Sarajeva

Visoki predstavnik Valentin Inzko pohvalio je današnje usvajanje izmjena i dopune Zakona o pripadnosti javnih prihoda u FBiH, kojima će se omogućiti nastavak finansiranja Grada Sarajeva.

Visoki predstavnik Inzko podsjetio je da se problem pojavio kada je prethodni sastav Parlamenta Federacije izmijenio spomenuti zakon i izostavio Sarajevo iz novog sistema raspodjele prihoda od indirektnih poreza u Federaciji. Kao posljedica, Sarajevo nije dobilo nikakva sredstva sa jedinstvenog računa Federacije od maja prošle godine.

“Dovedena su u pitanje sredstva za izvršavanje obaveza i obavljanje najosnovnijih funkcija. Kako bi se taj problem riješio, 16. septembra sam pisao predsjedavajućem Vijeća ministara kao i premijerima Federacije i Kantona, a osoblje mog ureda angažiralo se na tom pitanju sa njihovim osobljem. Zahvaljujem premijeru Novaliću i njegovom timu na saradnji i ličnom angažmanu, a od Parlamenta Federacije očekujem isti angažman i podršku za predloženo rješenje”, rekao je visoki predstavnik Valentin Inzko.